



**UNIT KOMUNIKASI KORPORAT
JABATAN PERIKANAN MALAYSIA
BERITA PERIKANAN HARI INI**

17 Mei 2021
5 Syawal 1442H

SENARAI AKHBAR	TAJUK
Utusan Malaysia	
Berita Harian	
Harian Metro	
Kosmo !	<ul style="list-style-type: none">• Lima nelayan tangkap ikan lebih masa ditetapkan ditahan
Sinar Harian	<ul style="list-style-type: none">• 23 bot nelayan Vietnam ditahan• Lima nelayan ditahan tangkap ikan lebih masa
The Star	
New Straits Time	
Nanyang Siang Pau	
Malaysia Gazette	
Harakah	
Malaysia Dateline	
Bernamea	
See Hua Daily News (Kuching)	
Guan Ming Daily	
Sin Chew Daily	

JENIS AKHBAR							MUKA SURAT	TARIKH		
UTUSAN MALAYSIA		KOSMO !	/	THE STAR		NANYANG SIANG PAU			12	17/05/2021
BERITA HARIAN		SINAR HARIAN		THE SUN		ORIENTAL DAILY				
HARIAN METRO		NEW STRAITS TIMES		THE MALAY MAIL		PELBAGAI				
KATEGORI LIPUTAN :		POSITIF		NEGATIF		NEUTRAL				

Lima nelayan tangkap ikan lebih masa ditetapkan ditahan

MERSING - Kedegilan lima nelayan menangkap ikan melebihi masa ditetapkan mengundang padah apabila mereka ditahan bersama sebuah bot di Pantai Tanjung Resang, di sini semalam.

Dalam kejadian pada pukul 1.30 pagi itu, bot nelayan tempatan itu ditahan ketika berada di kedudukan kira-kira 18 kilometer dari pantai berkenaan.

Pengarah Perikanan Negeri Johor, Noraishah Hashim berkata, seorang tekong dan empat awak-awak warga tempatan yang ditahan masing-masing berusia 31 hingga 57 tahun.

"Tangkapan dilakukan ketika rondaan rutin pemantauan vesel pantai timur yang dijalankan di perairan Johor Timur oleh Cawangan Taman Laut dan Pengurusan Sumber, Jabatan Perikanan Negeri Johor.

"Hasil pemeriksaan dan siasatan mendapati sebuah vesel penangkapan ikan zon B yang mempunyai lima orang kru tempatan terdiri dari tekong dan awak-awak telah menjalankan aktiviti menangkap ikan (menunda) pada jarak kira-kira 18 kilometer dari Pantai Tanjung Resang, Mersing pada pukul 1.30 pagi tadi (semalam).

"Ini menjadi kesalahan kerana masa menangkap ikan bagi vesel



SEBUAH bot yang ditahan bersama lima kru oleh Jabatan Perikanan Johor berhampiran Pantai Tanjung Resang, Mersing semalam.

B adalah pada pukul 7 pagi hingga 7 malam sahaja," katanya dalam kenyataan di sini semalam.

Noraishah berkata, perbuatan melanggar apa-apa syarat dalam lesen yang dikeluarkan berkenaan dengan vesel adalah menjadi kesalahan.

Tambahnya, vesel berkenaan telah ditahan bersama peralatan menangkap ikan yang mana kes akan disiasat di bawah Seksyen 8 (b) Akta Perikanan 1985.

Jelasnya, terdapat hasil tangkapan seperti sotong dan selar

kuning turut disita.

"Jabatan Perikanan Negeri Johor ingin mengingatkan para nelayan agar sentiasa mematuhi syarat lesen agar tidak menjejaskan sumber perikanan negara yang perlu diurus secara lestari.

"Pihak jabatan sentiasa komited menjalankan penguatkuasaan undang-undang dan akan terus diperkasakan lagi di perairan Johor bagi memastikan pengurusan sumber perikanan dapat dilestarikan," katanya.

JENIS AKHBAR							MUKA SURAT	TARIKH		
UTUSAN MALAYSIA		KOSMO !		THE STAR		NANYANG SIANG PAU			24	17/05/2021
BERITA HARIAN		SINAR HARIAN	/	THE SUN		ORIENTAL DAILY				
HARIAN METRO		NEW STRAITS TIMES		THE MALAY MAIL		PELBAGAI				
KATEGORI LIPUTAN :		POSITIF		NEGATIF		NEUTRAL				

FOTO: IHSAN JABATAN PERIKANAN PAHANG



Antara bot nelayan asing yang berjaya ditahan Jabatan Perikanan Pahang tahun ini.

23 bot nelayan Vietnam ditahan

KUANTAN - Jabatan Perikanan Pahang menerusi Cawangan Perlindungan Sumber (CPS) menahan 23 bot nelayan Vietnam dalam tempoh lima tahun sejak 2016.

Pengarahnya, Abdullah Jaafar berkata, berdasarkan rekod, tahun 2019 mencatatkan penahanan sebanyak 10 buah bot diikuti enam bot (2020), tiga bot (2017) dan masing-masing dua bot (2016 dan 2018).

Menurutnya, dalam tempoh lima bulan tahun ini, dua bot Vietnam ditahan ketika melakukan aktiviti menangkap ikan secara haram di kawasan 51 batu nautika perairan Kuala Pahang, Pekan.

"Seramai 20 tekong dan awak-awak ditahan semasa menjalankan aktiviti penangkapan," katanya ketika dihubungi pada Ahad.

Beliau menjelaskan, jabatan itu sentiasa

menjalankan penguatkuasaan, kawalan dan pengawasan di perairan negeri yang menjadi sasaran pencerobohan nelayan asing.

Katanya, kebanyakan nelayan asing yang ditahan mengaku hasil tangkapan banyak adalah antara faktor mereka sanggup memasuki perairan negeri ini.

"Mereka sebenarnya sudah mengetahui hukuman berat yang bakal diterima sekiranya ditangkap.

"Namun mereka masih berani menanggung risiko dan hanya bergantung sepenuhnya kepada nasib," ujarnya.

Sehubungan itu, beliau berharap nelayan tempatan dapat bekerjasama memberi maklumat pencerobohan nelayan asing khususnya di perairan negeri ini.

JENIS AKHBAR								MUKA SURAT	TARIKH
UTUSAN MALAYSIA		KOSMO !		THE STAR		NANYANG SIANG PAU			
BERITA HARIAN		SINAR HARIAN	/	THE SUN		ORIENTAL DAILY			
HARIAN METRO		NEW STRAITS TIMES		THE MALAY MAIL		PELBAGAI			
KATEGORI LIPUTAN : POSITIF			NEGATIF		NEUTRAL			28	17/05/2021

Lima nelayan ditahan tangkap ikan lebih masa

MERSING - Jabatan Perikanan Johor menahan sebuah bot pukkat tunda Zon B selepas didapati tidak mengikut syarat lesen kerana beroperasi melebihi masa dibenarkan di Pantai Tanjung Resang di sini pada Ahad.

Pengarahnya, Norai Shah Hashim berkata, bot berkenaan ditahan ketika sedang menjalankan aktiviti menangkap ikan pada jarak sekitar 9.8 batu nautika dari Pantai Tanjung Resang, jam 1.50 pagi.

Katanya, tangkapan terbabit dilakukan ketika rondaan rutin pemantauan vesel pantai timur yang dijalankan di perairan Jo-

hor Timur oleh Cawangan Taman Laut dan Pengurusan Sumber, Jabatan Perikanan Johor.

"Hasil rondaan itu, sebuah bot pukkat tunda Zon B yang sedang menjalankan aktiviti menangkap ikan (menunda) ditahan selepas tidak mengikut syarat sah lesen.

"Tempoh operasi menangkap ikan bagi vesel B pukkat tunda adalah pada jam 6 pagi sehingga 7 petang sahaja untuk jarak 5 hingga 12 batu nautika," katanya menerusi kenyataan pada Ahad.

Menurut Norai Shah, bot terbabit mempunyai lima kru termas-

suk tekong berusia 54 tahun dan awak-awak berusia 31 hingga 54 tahun serta terdapat hasil tangkapan seperti sotong dan selar kumbang.

"Perbuatan melanggar apa-apa syarat dalam lesen yang dikeluarkan berkenaan dengan vesel itu merupakan kesalahan. Vesel terbabit dan peralatan menangkap ikan telah disita.

"Kes disiasat di bawah Seksyen 8(b) Akta Perikanan 1985. Nelayan ditingatkan agar sentiasa mematuhi syarat lesen agar tidak menjejaskan sumber perikanan negara yang perlu diurus secara lestari," katanya.

Bot pukkat tunda Zon B ditahan selepas didapati beroperasi lebih masa dibenarkan pada jarak sekitar 9.8 batu nautika dari Pantai Tanjung Resang, Mersing pada Ahad.

